



20. oktobari 2022

UKA 2022 /56

Ukioq 2025-miit umiarsuarmik sinersortaateqalernissaa siunertaralugu Naalakkersuisut pilersaarummik suliaqarnissaannik Inatsisartut aalajangiiffigisassaattut siunnersuut.taamaasilluni pilersaarut kingusinnerpaamik UKA 2023-mi saqqummiunneqassalluni

(Siunnersuuteqartoq Anders Olsen Siumut)

Siullermik siunnersuuteqartoq Anders Olsen, Siumut, siunnersuutaanut soqutiginantumut isumarpullu malillugu pisariaqarluinnartumut qutsavigaarput, imatullu oqaaseqarfigissuarput:

Ilisimaneqartutuut 2000-ikkut qiteqqunneranni nunatsinni angallaneq annertuumik allanguiffigineqarpoq, mittarfinnik pilersitsiortornerup kingunerisaanik imaatigut ilaasartaatitigut angallaneq annertuumik qumartiterneqarpoq, tamatumalu kingunerisaanik Qaqortumiit Ilulissanut ingerlaarfik kisimi imaatigut angallannermi sinersortaatikku periarfissaalerpoq

Siunertaq ersarissuq pilersinneqarpoq, tassalu silaannakkut angallaneq piffinni tikinneqassaartuni aallunneqartussanngorpoq. Taamatut siunniussaqaarnermi paasinartumik aningaasat 95 mio. kr. ilinniartitaanermut nuunneqassasut aalajangertoqarsimavoq, tamanna soorunami siunertaq pitsaasoq paasinarluinnarpoq.

Ukiut ingerlanerini malunniukkiaartorneq sukkasooq pilerpoq, tassalu silaannaap allangoriartornerata kingunerisaanik aporfiit annertuut nalaanneqartartut amerliartuinnartutut isikkoqalernerat, tassa piffinni amerlasuuni silaannakkut angallannermi malittareqqusat soorunami malillugit timmisartuussisarnikkut taamaatitsiinnartariaqarnerit annertusiartuinnarnerat pilerpoq, tamanna soorunami angalaniartumut ilaatigut annertoorujussuarmik sunniuttarnera pilerpoq, ilaatigut allaat ullorpassuit piunngasariaqartarnerit piulerlutik.

Kiffartuussinissamik isumaqatigiissut 2025-mut siaaqqavoq, taamaasillunilu naanissaanut piffissaq siviisunnaarpoq, tassanngaanniillu imaatigut sinersortaatikku angallannerup allaanerusumik aaqquussiffigineqarnissaa malunnaatilmik inuiaqatigiinni iluaqutaaninngorlugu atuutsinneqarnissaa Siumumiit kissaatigaarput.

Siunnersuuteqartoq isumaqatigaarput oqarmat: sinersortaat ullumikkut atornerqartoq pisoqalivoq ullutsinnullu naleqqukkunnaarluni, tassami pitsaanerusumik inuiaqatigiinni iluaqutigineqarnissaa siunniukkusukkatsigu angalanermi tikinneqarsinnaasut illoqarfiit amerlanerulernissaat kissaatiginartorjuuvoq, taamaammatt sapinngisamik kitaani illoqarfiit tikinneqarsinnaasut tikinneqartalernissat pisariaqartorjuuvoq, tassami qulaani taakkartukkattuut silaannakkut



angallannermi unammilligassat ima atsigilersimapput, allanik periarfissiinissaq avaqqunneqarsinnaajunnaarnikuulluni, tassalu innuttaasut angallannikkut periarfissaasa aamma imaatigut toqqagassaqartarnissaat piuleqqittariaqartoq.

Suliffeqarfissuit pisortanit pigineqartut assersuutigalugu ukuusut RAL A/S - Air Greenland A/S - Royal Greenland A/S ukiuni kingullerni atortuutimikkut nutarterinerat iluarisimaarnarpoq, tassuuna takutippaat piffiit nutaat unammillerfiusinnaasut pitsaasumik siunertalimmik piareersarfigineqarnerat.

Aammattaarlu ilisimavarput Mittarfissuit marluusut sanaartorneqarnerat ilutigalugu naatsorsuutissaqaratta takornariaqarneq eqqarsaatigalugu nunatsinnut tikittartut pitsaanerpaamik misigisassasiortinnissaat siunertaralugu aamma imaatigut angallannikkut ataqatigiissaarisqaarnissaa pinngitsoorneqarsinnaanngimmat, ilaatigummi piffissami kingullermi misilittakkatigut malunniuppoq nunaqavissut utoqqaat allallu inniminniigaluarlutik ulikkaaqqasoortarneq nalaataat annertusoq ilisimagatsigu, tassami takornariat aasaq amerlasuut takkussimanerat qujanaqisoq, aamma illuatungaagut nunaqavissunut unammillernartumik inissiisoq eqqarsalersitsimmat qanoq imaatigut angallannerup pitsaanerusumik amerlanernillu ilaasoqarsinnaanerup eqqarsaatigeqqinneqarnissaanik tikkuussilluinnarmat.

Siumumiit soqutigaarput sinersortaatip nutaamik ullutsinnut naleqqunnerusumik sukkanerusumillu taarserneqarnissaa, taamaasiornikkut Nanortalimmiit avannamut Upernavik tikillugu periarfissaalernissaa aallaavigalugu suliniarnermi ilanngunneqarluni pilersaaruserfigineqassasoq, tassami oqaatigeriikkattuut siammasinnerusumik angalalapat pinngitsoorani innuttaasuniit atorluarneqarumaassasoq ilimagilluinnaratsigu, tamannami ukiuni kingullerni innutaasuniit kissaatigineqarluni nipituuliutaasareemat.

Ilanngullugu taarusuppara ataatsimiigiarlunga Nuup tungaanut ingerlaninni, Ilulissani utoqqaat avannaani katerittut issiaqatigigakkit taannarpiaq ilungersuullugu oqariartorfigimmannga, tassa allatuulli innuttaaqataagamik sinersortaammik tikkineqartanngitsut avannaani illoqarfiit tikkineqartarnissaannik ilungersuuteqaqqulluta kissaateqarmata, pingaartumik utoqqalinersiaqarlutik naammattusaarisarnerminni aasaanerani avannamut, aammalumi kujammut ingerlarusuttaraluarlutik akit uniffigisarsimasatik pillugit, iluarnikuusoq eqqaamagamikku sinersortaat angalasarallarmat periarfissaq atorluartagartik, aammalumi aasaanerani seqernup kaaviinnarfiani pinngortitarsuaq imaanit isiginnaarneqarsinnaasoq nukittorsaatigisartagartik ujariatsiffigamikku taamatut misigisaqaqqinnissartik ilungersorlutik kissaatigimmassuk.

Siunnersuuteqartup qulequtsiussaa taperserlugu suliallu pimoorullugu suliarilluarneqarnissaa kissaatigalutigu ataatsimiititaliamut susasaqartumut suliarineqartussanngorlugu Siumumiit siunnersuut taperserlugu ingerlateqqipparput.

Jens Kristian Therkelsen Siumut